



Broj: 02-05-24959-2/11
Sarajevo, 13.09.2011. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **32.** sjednici održanoj **13.09.2011.** godine, donijela je sljedeći

ZAKLJUČAK

1. Utvrđuje se Prijedlog odluke o usvajanju Projekta "Sanacija i remont jednokolosječne tramvajske pruge u Sarajevu, ul. Mula Mustafe Bašeskije i Maršala Tita, od Baščaršije do "S" krivine na Marijin Dvoru u dužini od cca 2200 metara."
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo, donese odluku iz tačke 1. ovog Zaključka.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo saobraćaja
4. Ministarstvo finansija
5. Evidencija
6. A r h i v a



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01 i 28/04), člana 40. i 41. Zakona o dugu i zaduživanju i garancijama u Federaciji Bosne i Hercegovine („Službene novine Federacije Bosne i Hercegovine“, br. 86/07, 24/09 i 44/10), i Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija („Službene novine Kantona Sarajevo“, br. 10/11), Skupština Kantona Sarajevo, na sjednici ____ od _____ 2011.godine, donijela je

ODLUKU

o usvajanju Projekta „Sanacija i remont jednokolosječne tramvajske pruge u Sarajevu, ul. Mula Mustafe Bašeskije i Maršala Tita, od Baščaršije do „S“ krivine na Marijin Dvoru u dužini od cca 2200 metara.

Član 1.

Usvaja se Projekat „Sanacija i remont jednokolosječne tramvajske pruge u Sarajevu, ul. Mula Mustafe Bašeskije i Maršala Tita, od Baščaršije do „S“ krivine na Marijin Dvoru u dužini od cca 2200 metara.

Član 2.

Ukupna vrijednost navedenog projekta sa PDV-om iznosi 5.965.080,00 KM.

Član 3.

Potrebna sredstva, neophodna za realizaciju projekta iz tačke 1. ove Odluke obezbjediće se u skladu sa Procedurama zaduživanja Kantona Sarajevo na osnovu unutrašnjeg i vanjskog duga i izdavanja garancija.

Član 4.

Implementaciju ovog projekta vršit će Ministarstvo saobraćaja i Ministarstvo finansija, u skladu sa nadležnostima.

Član 5.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

**Predsjedavajuća
Skupštine Kantona Sarajevo**

Prof. Dr. Mirjana Malić

**Broj: _____
Sarajevo, _____ 2011.godine**

O B R A Z L O Ź E N J E

PRAVNI OSNOV:

Pravni osnov za donošenje predložene Odluke sadržan je u odredbi člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01 i 28/04), kojim je propisano da Skupština Kantona „ donosi zakone i druge propise u okviru izvršavanja nadležnosti Kantona , izuzev propisa koji su ovim Ustavom ili Zakonom dati u nadležnosti Vlade Kantona“, odredbama člana 40. i 41. Zakona o dugu i zaduživanju i garancijama u Federaciji Bosne i Hercegovine („Službene novine Federacije Bosne i Hercegovine“, br. 86/07, 24/09 i 44/10) u kojima je definisan način i postupak zaduživanja, osiguranje sredstava za otplatu duga, izdavanje garancija, vođenje evidencija o dugu i garancijama, te odredbama Procedure zaduživanja Kantona Sarajevo na osnovu unutrašnjeg i vanjskog duga i izdavanja garancija u kojima je definisan način zaduživanja Kantona Sarajevo.

RAZLOZI DONOŠENJA:

Aktivnosti na sanaciji i remontu gradskog dijela tramvajske pruge, započete 2004 i 2005 godine dionicom Marijin Dvor - Bašćaršija korištenjem u praksi provjerenog kvalitetnog tehničkog rješenja sa kontinualnim elastičnim oslanjanjem šina planiraju se nastaviti i na dionici Bašćaršija - "S" krivina na Marijin Dvoru.

Razlog za urgentno djelovanje je kritično loše stanje tramvajske pruge na toj dionici uz dodatni problem stavljanja, zbog dotrajalosti, van funkcije izlazne skretnice na liniji "6" kod Higijenskog zavoda te obustavljanje saobraćaja na liniji "6", Ilidža – Skenderija. Ovakvo stanje tramvajske pruge ugrožava za Grad izuzetno značajan tramvajski saobraćaj, čini taj vid prevoza ne pouzdanim i ne bezbjednim, oštećuje tramvaje i objekte pored pruge kao i ostale učesnike u saobraćaju, nesnosna buka teško se podnosi.

Cilj sanacije i remonta tramvajske pruge je da se savremenim tehničkim rješenjem, u skladu sa svjetskim standardima, otklone nedostaci na pruži, znatno poboljša bezbjednost i pouzdanost tramvajskog saobraćaja te ostvari dug radni vijek pruge (25 - 30 godina) uz minimalne troškove održavanja.

Raspisanim javnim pozivom tražena je primjena kvalitetnog tehničkog rješenja, provjerenog u praksi, posebno na dijelu pruge od Bašćarsije do "Vječne vatre" i uz objekte blizu pruge na drugim dijelovima trase. Kvalitetno a nešto moguće jeftinije rješenje primjeniti na trasi od "Vječne vatre"

do Higijenskog zavoda. Uz ugradnju kvalitetnih šina i skretnice, zahtijevana je dobra izolacija i odvod vode iz žlijeba šine te kvalitetno zatvaranje kolosijeka i uklapanje u kolovoz. Od ponudaca, kao nosioca inženjeringa, te njegovih podizvođača, traženo je posjedovanje iskustva u izvođenju konkretnog predloženog tehničkog rješenja, kao bitnog uslova za kvalitetno izvođenje radova.

Firma TECA d.o.o. iz Ljubljane ,kao nosioc inženjeringa i isporučioc najznačajnijih materijala, sa kompetentnim domaćim podizvođačima, najbolje je ocijenjena po tenderskim kriterijima. Ponudila je kvalitetno tehničko rješenje po sekcijama i za cijelu trasu i što je najznačajnije, ima iza sebe već

kvalitetno izvedena takva rješenja po sistemu inženjeringa. Jedina je ponudila kredit te rezervirala kod proizvođača kvalitetne šine i skretnicu. Ta je firma, sa praktično istim domaćim podizvođačima, veoma uspješno vodila radove, po principu inženjeringa, na dionici Marijin Dvor- Bašćaršija 2004 i 2005 godine.

Vrijednost posla je u skladu sa procijenom u šta su uključene sve isporuke i tenderom definirani i zahtijevani radovi po sistemu "ključ u ruke". Ponudeni uslovi finansiranja se

moгу prihvatiti, kao alternativa, ukoliko Ministarstvo finansija, preko komercijalnih banaka, ne obezbijedi povoljnije uvjete.

S obzirom na navedeno predlažemo donošenje navedene Odluke.

PROJEKAT SANACIJA I REMONT JEDNOKOLOŠJEČNE TRAMVAJSKE PRUGE U SARAJEVU, UL. MULA MUSTAFE BAŠESKIJE I MARŠALA TITA, OD BAŠČARŠIJE DO „S“ KRIVINE NA MARIJIN DVORU U DUŽINI OD CCA 2200 METARA.

1. UVOD

Tramvajska pruga u Sarajevu, izgrađena prije više od 40 godina, najvećim dijelom je dotrajala i u veoma je lošem stanju, a pojedine dionice su u kritičnom lošem stanju u šta spada i dionica Bašćaršija – Marijin Dvor. U gradskom dijelu lošem stanju pruge doprinosi i to što je kompletna trasa tramvajske pruge u koliziji sa drumskim saobraćajem, a autobusi i teška vozila dodatno oštećuju tramvajsku prugu. Tramvajski saobraćaj, koji koristi preko 50% svih putnika, nepouzdan je, oštećuju se tramvaji i putnička vozila. Ugrožena je bezbjednost putnika, a zbog načina izgradnje pruge sa krutim oslonjanjem šina na podlogu, lošim odvođenjem vode i totalno istrošenim šinama, oštećen je trajno sloj asfalta uz šine, velika je buka i veoma negativan uticaj vibracija na okolne objekte, posebno starog dijela grada.

Poratnom urgentnom sanacijom obuhvaćen je samo teško oštećen i uništen dio pruge sa ciljem da se što prije uspostavi tramvajski saobraćaj a samo su mali segmenti trajno sanirani (triangl Alipašin most). Tek se 2004. i 2005.godine pristupilo trajnoj sanaciji kojom je obuhvaćena dionica Marijin Dvor – Bašćaršija i putni prelazi preko pruge „Otoka“ i „Nedžarići“. Veoma kvalitetno tehničko rješenje sa elastičnim kontinualnim oslanjanjem šina izolovanih od vode, primjenjeno na Obali Kulina Bana, a posebno poboljšano oko Vijećnice i na Bašćaršiji, pokazalo se veoma dobrim, znatno su smanjeni buka i vibracije a uz minimalno održavanje garantuje dug radni vijek. Nastavak te sanacije Ministarstvo saobraćaja Kantona Sarajevo i KJKP „Gras“ d.o.o. Sarajevo pokušali su riješiti obećanom donacijom grada Istanbula, ali je ona izostala. U čitavom poratnom periodu pokušalo se sa donacijama ili povoljnim kreditima sanirati i remontovati tramvajsku prugu po fazama, ali sa neznatnim uspjehom. Početkom ove godine, zbog opasnosti od iskliznuća, stavljena je van funkcije izlazna skretnica na liniji „6“ Ilidža – Skenderija a za ostali tramvajski saobraćaj je totalno ograničena brzina na tom mjestu. To je između ostalog, bio razlog za pristupanje urgentnom saniranju kompletne dionice Bašćaršija – Marijin Dvor.

2. CILJ PROJEKTA

Cilj ovog projekta je sanacija i remont tramvajske pruge na dionici od Bašćaršije do Marijin Dvora kao nastavak aktivnosti započetih 2004. i 2005.godine korištenjem u praksi provjerenog kvalitetnog tehničkog rješenja sa kontinualnim elastičnim oslanjanjem šina na podlogu. Pruga je vitalan objekat za normalno odvijanje tramvajskog saobraćaja, a dobro stanje pruge izuzetno je važno za normalnu eksploataciju tramvaja, posebno savremenih novih tramvaja SATRA i generalno remontovanih trodijelnih tramvaja ČKD, KT8D5 koji su kao i veliki broj obrtnih postolja remontovani korištenjem donacije Češke Republike. Postići će se pouzdaniji i bezbjedniji tramvajski saobraćaj, smanjiće se buka i veoma negativan uticaj vibracija tla na stare i istorijski značajne objekte starog dijela grada. Savremenim tehničkim rješenjem pruge u skladu sa svjetskim standardima postići će se njen dug radni vijek (procjena je slijedećih 20-30 godina), uz minimalno održavanje, te doprinijeti većoj bezbjednosti drumskog saobraćaja i eliminaciji oštećenja drumskih vozila.

3. PLANIRANI OBIM RADOVA

Projektom zadatkom zahtjevalo se saniranje i remont kompletne tramvajske pruge od Bašćaršije do „S“ krivine na Marijin Dvoru. Obzirom na blizinu objekata uz prugu u starom dijelu grada od Bašćaršije do „Vječe vatre“ i na par mjesta od Higijenskog zavoda do Marijin Dvora, zahtjevalo se za taj dio najkvalitetnije tehničko rješenje. Dio trase kroz ulicu Titova do skretnice linije „6“, također kvalitetno ali moguće i nešto jeftinije rješenje, a dalje prema Marijin Dvoru i u „S“ krivini ponuditi alternativno rješenje sa mogućnošću zadržavanja dijela gornjeg sloja i polimernih „jastuka“ ako se pri raskopavanju i demontaži pokaže da su u relativno dobrom stanju. U protivnom rješenje primjenjeno u ul. Titova uraditi sve do „S“ krivine na Marijin Dvoru. Zahtjevala se ugradnja nove izlazne skretnice linije „6“ sa novom armiranom betonskom pločom i sanacija kablovske mreže sistema napajanja uz prugu u ulici Titova.

Planira se na cijeloj trasi demontirati gornji stroj pruge do postojeće armirano – betonske ploče, izvršiti sanaciju ploče gdje je oštećena, nabaviti i ugraditi nove kvalitetne šine sa kolosječnim priborom korištenjem tehnologije kontinuiranog oslanjanja šina na podlogu preko poliuretanske mase ili korištenjem specijalne gume, te zatvaranje kolosjeka uz rješavanje odvoda vode iz žljeba šine.

Obim radova obuhvata:

- izradu idejnog projekta koji se prilaže uz ponudu i koji mora prihvatiti Ugovorni organ;
- izrada projekta za izvođenje (geodetski snimak postojećeg stanja, tehničko rješenje, predmjer i predračun radova);
- izrada dinamičnog plana izvođenja radova sa precizno definiranim planom angažovanja mehanizacije i radne snage;
- nabavka novih šina tipa R60-10 savijenih i tačno definiranih dužina, pripremljenih za montažu. Spajanje šina izvršiti alumino – termitskim postupkom;
- nabavka izlazne skretnice sa elastičnim jezičkom;
- izvođenje radova na sanaciji kompletne tramvajske pruge prema usvojenom rješenju (organizacija gradilišta, izvođenje radova na „otvaranju“ kolosjeka i njegovoj demontaži, ugradnja novih šina i skretnice, reparacija oslanjačkog dijela ploče, izrada odvodnje vode iz žljeba šine i „zatvaranje“ kolosjeka asfaltom);
- polaganje dvije plastične cijevi Ø 32 za povlačenje optičkog kabla;
- nabavka i polaganje napojnog kabla.

4. AKTIVNOSTI NA PROJEKTU

Projekat „Sanacija tramvajske pruge i pružnih prelaza“ je evidentan kao projekat u implementaciji Ministarstva saobraćaja Kantona Sarajevo za realizaciju po fazama u periodu 2007-2013. godina. Zbog obećane donacije grada Istanbula posljednjih par godina se u Budžetu planiraju sredstva do 1 mil. KM, apsolutno nedostatna za bilo kakve ozbiljne radove.

Usljed kritično lošeg stanja dijela tramvajske pruge i privremenog obustavljanja tramvajskog saobraćaja na liniji br. 6 zbog izlazne skretnice u veoma lošem stanju, Ministar saobraćaja je donio Odluku o sanaciji i remontu tramvajske pruge od Bašćaršije do „S“ krivine na Marijin Dvoru u dužini od 2200 m, uključujući skretnicu „6“-ice. U pripremi tendera stručnu pomoć pružili su izvršiocu KJKP „Gras“ d.o.o. Sarajevo.

Tenderski zahtjevi, za sanaciju i remont tramvajske pruge, su bili:

- primjena kvalitetnog tehničkog rješenja, provjerenog u praksi, posebno na dijelu trase od Bašćaršije do "Vječne vatre", i uz objekte na drugim dijelovima trase. Predlaže se tehničko rješenje primjenjeno 2005. godine na dijelu od Vijećnice do Bašćaršije ili slično kvalitetno

rješenje sa kontinualnim elastičnim oslanjanjem kojim će se znatno prigušiti buka i vibracije, veoma štetne za okolne objekte;

- ugradnja kvalitetnog materijala: šine, skretnica, kolosječni pribor, materijal elastičnog oslanjanja šina;
- dobra izolacija i odvod vode iz žlijeba šine;
- kvalitetno zatvaranje kolosijeka i uklapanje u kolovoznu traku;
- ponudac, nosioci inženjeringa, kao i njegovi podizvođači moraju posjedovati iskustvo za izvođenje konkretnog predloženog tehničkog rješenja.

U najkraćem, traži se primjena kvalitetnog tehničkog rješenja primjereno zahtjevima pojedinih dijelova trase, rješenja koje je provjereno u praksi i uz upotrebu kvalitetnih materijala. Nosioci inženjeringa i podizvođači moraju posjedovati iskustvo za realizaciju predloženog tehničkog rješenja.

Tender je raspisan 16.05.2011.godine, a uključivao je i ponudu povoljnog kreditiranja radova na pruzi. U zakonskom roku su stigle i obrađene su tri ponude, a odlukom Ministra saobraćaja od 08.07.2011.godine, na preporuku Komisije za obradu tendera, odabran je najpovoljniji ponuđač firma TECA d.o.o. iz Ljubljane, Slovenija, koja je radila radove 2004. i 2005.godine na dionici Marijin Dvor – Baščaršija. Završena je zakonska procedura, nije bilo žalbi. Ponuda firme TECA d.o.o. Ljubljana, kao nosioca inženjeringa i kvalitetnih domaćih podizvođača, predviđa da se na dijelu pruge od Baščaršije do „Vječne vatre“ i uz objekte na ostalom dijelu pruge primjenjuje se kontinuirano oslanjanje sa podljevanjem smjese ICOSIT, tehnološko rješenje koje se pokazalo na dijelu Vijećnica – Baščaršija, rađenom 2005.godine, kao veoma kvalitetno. Dio trase do Higijenskog zavoda i prelaz preko ul. Alipašina radiće se sistemom ECO RCS koji također obezbjeđuje znatno smanjenje buke i vibracija i u zadnjih 5-6 godina masovno se koristi u evropskim gradovima. Taj će se sistem primjeniti i na ostalom dijelu pruge do „S“ krivine na Marijin Dvoru ukoliko se nakon demontaže ustanovi loše stanje polimernih „jastuka“ i montažnih ploča.

Planira se da radovi traju najviše 5 nedjelja, a dinamika i rad na dijelovima trase biće podređen najmanjem ometanju tramvajskog i drumskog saobraćaja. Za vrijeme obustave tramvajskog saobraćaja u gradu, organizovaće se alternativni prevoz autobusima.

Firma TECA d.o.o. Ljubljana, kao nosioci inženjeringa i isporučio najznačajnijih materijala, sa kompetentnim domaćim podizvođačima, najbolje je ocijenjena po tenderskim kriterijima.

Ponudila je kvalitetno tehničko rješenje po dijelovima za cijelu trasu, a što je najznačajnije, ima iza sebe već kvalitetno izvedena takva rješenja po sistemu inženjeringa. Jedina je ponudila kredit, rezervirala kod proizvođača kvalitetne šine i skretnicu.

5. POTREBNA FINANSIJSKA SREDSTVA

Vrijednost ugovora je 5.965.080,00 KM sa PDV-om od 17 %. U tu cijenu su uključene sve isporuke i radovi po sistemu „ključ u ruke“. Ponuđač firma TECA d.o.o. ponudila je slijedeće uslove finansiranja ugovora: trajanje kredita 10 godina, kamatna stopa 3 mj.Euribor + 4,11 % p.a, plaćanje kamata je mjesečno, otplata glavnice: 4 godišnji moratorij, nakon toga otplata glavnice u 24 kvartalna anuiteta, ugovaračka provizija 25.000 EUR, plaća se iz kredita, provizija za vođenje kredita: 0,30 % od visine neotplaćenog kredita, osiguranje kredita: mjenice korisnika kredita (8

mjenica), naplativa prenosiva bankarska garancija na prvi poziv izdana od strane prvoklasne bank u iznosu od 3.045.000,00 EUR za cijeli period trajanja kredita.

U Budžetu Kantona Sarajevo – Ministarstva saobraćaja za 2012.godinu obezbjediće se sredstva za eventualne nepredvidive i dodatne radove, stručni nadzor, te za troškove alternativnog prevoza autobusima, procjena je do 10 % vrijednosti ugovora.



SLUŽBENE NOVINE KANTONA SARAJEVO

Godina I - Broj 1

Ponedjeljak, 11. marta 1996.
SARAJEVO

Za svaki broj
se pojedinačno određuje
cijena

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH" broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV KANTONA SARAJEVO

I - OPĆE ODREDBE

Član 1.

Sadržaj

Ovim Ustavom ureduju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.
Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Travno i Vogosca, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavaње građana sa područja Kantona na neki od propisanih načina.

Član 5.

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 6.

Odnos prema Bosni i Hercegovini i Federaciji

Sarajevo je glavni grad Bosne i Hercegovine i Federacije, kako je to određeno njihovim ustavima.

Organi vlasti u Kantonu su dužni obezbijediti punu zaštitu interesa Bosne i Hercegovine i Federacije u njihovom glavnom gradu. Oni ne mogu donositi bilo kakve

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI**A) ZAKONODAVNA VLAST**

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomo predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom i zbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

**ZAKON O DUGU, ZADUŽIVANJU I GARANCIJAMA U
FEDERACIJI BOSNE I HERCEGOVINE
“Službene novine Federacije BiH”, broj: 86/07**

1. Svrha vanjskog zaduživanja Federacije

Član 38.

Federacija može stvoriti obaveze na osnovu vanjskog duga u sljedeće svrhe:

- 1) finansiranje budžetskog deficita;
- 2) refinansiranje i restrukturiranje neizmirenog unutrašnjeg i vanjskog duga Federacije;
- 3) plaćanje garancija Federacije u potpunosti ili djelimično u slučaju da zajmoprimac ne ispuni svoje finansijske obaveze;
- 4) plaćanje troškova servisiranja duga Federacije uključujući i povezane troškove kao što su: emisija vrijednosnih papira, održavanje računa, amortizacija, fiskalni agencijski troškovi;
- 5) finansiranje kapitalnih investicija.

2. Određivanje ograničenja iznosa vanjskog duga u Federaciji

Član 39.

Ograničenje iznosa vanjskog duga Federacije određuje se Zakonom o izvršenju budžeta Federacije. Ograničenjem duga određuje se iznos novog zaduživanja na osnovu vanjskog duga unutar budžetske godine i ukupan iznos vanjskog duga koji u toj godini može biti dostignut, a u skladu sa ograničenjima iz člana 7. ovog Zakona.

Odredbe stava 1. ovog člana primjenjuju kantoni, gradovi i općine.

2. Procedura zaduživanja na osnovu vanjskog duga Federacije

Član 40.

Federalno ministarstvo finansija i resorno federalno ministarstvo odgovorni su za vođenje pregovora u vezi sa novim zaduživanjem. Federalno ministarstvo finansija je isključivo odgovorno za provođenje procedure za zaključivanje kreditnih sporazuma.

Federalno ministarstvo finansija dostavlja Vladi Federacije inicijativu za vođenje pregovora u vezi sa zaključivanjem kreditnog sporazuma. Inicijativa sadrži:

- 1) kratak opis projekta;
- 2) razloge za zaduživanje na osnovu vanjskog duga Federacije;
- 3) iznos predloženog vanjskog zaduženja Federacije;
- 4) uvjete predloženog vanjskog zaduženja Federacije;
- 5) mišljenje Federalnog ministarstva finansija;
- 6) prethodnu saglasnost za vođenje pregovora ukoliko se stvara obaveza za kanton, općinu, grad ili javno preduzeće.

Vlada Federacije razmatra inicijativu iz stava 2. ovog člana i određuje delegaciju za pregovore.

Nakon završenih pregovora Federalno ministarstvo finansija dostavlja Vladi Federacije nacrt kreditnog sporazuma ili zapisnik sa pregovora i prijedlog odluke za davanje saglasnosti za prihvatanje kredita i prijedlog odluke za davanje saglasnosti za zaključivanje kreditnog sporazuma, koja sadrži:

- 1) svrhu za koju se predlaže zaključivanje kreditnog sporazuma;
- 2) elemente o iznosu i uvjetima zaduživanju kantona, grada, općine ili javnog preduzeća na osnovu indirektnog duga Federacije;

- 3) ovlaštenje za potpisivanje kreditnog sporazuma;
- 4) okvirni iznos sredstava i način njihovog osiguranja u slučaju da se radi o sufinansiranju projekta;
- 5) iznos glavnice duga, kamatnu stopu, troškove zaduživanja, formu duga, dospeljeće i rok otplate;
- 6) procjenu da li priprema i implementacija kreditnog sporazuma zahtijeva donošenje novih zakona ili izmjenu postojećih.

Nakon što Vlada Federacije prihvati nacrt kreditnog sporazuma i prijedlog odluke dostavlja ih Parlamentu Federacije. Parlament Federacije donosi odluku o vanjskom zaduživanju.

U slučaju indirektnog duga, odnosno kada je finansijska obaveza na osnovu vanjskog duga Federacije alocirana na kanton, općinu, grad ili javno preduzeće, istovremeno sa upućivanjem prijedloga odluka iz stava 4. ovog člana na usvajanje Parlamentu Federacije, Federalno ministarstvo finansija pripremit će prijedlog podugovora kojim prenosi prava i obaveze na kanton, općinu, grad ili javno preduzeće u skladu sa odredbama kreditnog sporazuma.

U slučaju izmjena postojećih kreditnih sporazuma provodi se procedura iz st. od 2. do 6. ovog člana. Ukoliko je inicijativa za izmjenu postojećeg kreditnog sporazuma potekla od kantona, općine, grada ili javnog preduzeća ona će imati istu pravnu snagu kao dokumenti iz stava 6. ovog člana.

Član 41.

Odredbe čl. 38., 39. i 40. shodno primjenjuju kantoni, gradovi, općine i javna preduzeća.

Z A K O N
O IZMJENI ZAKONA O DUGU, ZADUŽIVANJU I GARANCIJAMA U
FEDERACIJI BOSNE I HERCEGOVINE
"Službene novine Federacije BiH", broj: 24/09

Član 1.

U Zakonu o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07) član 9. mijenja se i glasi:

"Kratkoročni dug nastao radi finansiranja deficita nastalog iz gotovinskog toka otplatit će se u fiskalnoj godini u kojoj je zaduženje i nastalo. Ovaj dug neće biti predmet refinansiranja ili produženja nakon isteka te fiskalne godine; te ni u kom vremenskom periodu tokom te fiskalne godine neće preći 5% prihoda ostvarenih u prethodnoj fiskalnoj godini i neće biti nikakvog neizmirenog kratkoročnog zaduženja u periodu od uzastopnih 30 dana u okviru te fiskalne godine. Kratkoročni dug koji je nastao radi finansiranja deficita nastalog iz gotovinskog toka i koji se otplati neće se smatrati neizmirenim u svrhe utvrđivanja ograničenja iz člana 7. stav 5. ovog Zakona."

Član 2.

Ovaj Zakon stupa na snagu narednog dana od dana objavljivanja u "Službenim novinama Federacije BiH."

**PREDSJEDAVAJUĆI
DOMA NARODA
PARLAMENTA FEDERACIJE BiH**

Stjepan Krešić

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

Safet Softić

ZAKON
O IZMJENAMA I DOPUNAMA ZAKONA O DUGU, ZADUŽIVANJU I
GARANCIJAMA U FEDERACIJI BOSNE I HERCEGOVINE
“Službene novine Federacije BiH”, broj: 44/10

Član 16.

U članu 38. iza stava 1. dodaje se novi stav 2. koji glasi:

„Izuzetno od stava 1. ovog člana, Federacija može stvoriti obaveze po osnovu vanjskog duga radi restrukturiranja i konsolidiranja javnih preduzeća i podrške finansijskim institucijama u većinskom vlasništvu Federacije.“

Član 17.

U članu 40. stav 1. iza riječi: „kreditnih sporazuma“ umjesto tačke stavlja se zarez i dodaju riječi: „a federalni ministar finansija odgovoran je za potpisivanje kreditnog sporazuma i drugih dokumenata koji iz njega proizilaze.“.

St. 4. i 5. mijenjaju se i glase:

„Nakon završenih pregovora Federalno ministarstvo finansija dostavlja Vladi Federacije nacrt kreditnog sporazuma ili zapisnik sa pregovora i nacrt odluke o zaduživanju koja sadrži:

svrhu za koju se predlaže zaključivanje kreditnoga sporazuma;

elemente o iznosu i uvjetima zaduživanja kantona, grada, općine ili javnog preduzeća po osnovu indirektnog duga Federacije;

okvirni iznos sredstava i način osiguranja istih u slučaju da se radi o sufinansiranju projekta;

iznos glavnice duga, kamatnu stopu, troškove zaduživanja, oblik duga, dospijeće i rok otplate;

procjenu zahtijeva li priprema i implementacija kreditnoga sporazuma donošenje novih zakona ili izmjenu postojećih.

Nakon što Vlada Federacije prihvati nacrt kreditnog sporazuma i utvrdi prijedlog odluke dostavlja ih Parlamentu Federacije na usvajanje.“

U stavu 6. riječ „odluka“ zamjenjuje se riječju „odluke“.

Član 18.

U članu 41. riječi: „čl. 38., 39. i 40.“ zamjenjuju se riječima: „čl. 38. i 40. ovog Zakona.“.

Član 2.

Iza člana 8., dodaje se član 8.a, koji glasi:

"Član 8.a.

(Komisija za rješavanje zahtjeva za odobravanje novčanih pozajmica)

- (1) Komisiju iz člana 8. ove uredbe imenuje ministar.
- (2) Komisija se sastoji od predsjednika i dva člana i imenuje se za tekuću budžetsku godinu."

Član 3.

Ovlašćuje se Ured za zakonodavstvo Vlade Kantona Sarajevo da utvrdi prečišćeni tekst ove uredbe.

Član 4.

Ova Uredba stupa na snagu danom objavljivanja u "Službenim novinama Kantona Sarajevo".

Broj 02-05-13985-8/11

21. aprila 2011. godine

Sarajevo

Premijer
Fikret Musić, s. r.

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), a u vezi sa članom 378. Zakona o krivičnom postupku Federacije Bosne i Hercegovine ("Službene novine Federacije BiH", br. 35/03, 37/03 i 56/03), Vlada Kantona Sarajevo donijela je na 12. sjednici održanoj 14. aprila 2011. godine sljedeći

ZAKLJUČAK

1. Utvrđuje se cijena usluga smještaja maloljetnika u Kantonalnoj javnoj ustanovi "Disciplinski centar za maloljetnike" u visini od 1.611,60 KM mjesečno po korisniku.
2. Cijena iz tačke 1. ovog Zaključka odnosi se na troškove ishrane (tri obroka + užina), ljekarsko uvjerenje, mjesečnu kartu za prevoz daka u javnom prevozu, materijal za stručni rad i provođenje programa tretmana i ostale usluge, a u vezi je sa boravakom maloljetnika u Ustanovi dok traje pripremni postupak pred nadležnim sudom.
3. Troškove smještaja maloljetnika u Ustanovu, po cijeni iz tačke 1. ovog Zaključka, snosi nadležni sud pred kojim se vodi pripremni postupak.
4. Sredstva za realizaciju ovog Zaključka obezbijedit će se izmjenama i dopunama Budžeta Kantona Sarajevo za 2011. godinu i dalje kontinuirano.
5. Za realizaciju ovog Zaključka zadužuju se Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo pravde i uprave Kantona Sarajevo, Ministarstvo finansija Kantona Sarajevo, Općinski sud u Sarajevu i Kantonalna javna ustanova "Disciplinski centar za maloljetnike".
6. Ovaj Zaključak stupa na snagu prvog narednog dana od dana objavljivanja u "Službenim novinama Kantona Sarajevo".

Broj 02-05-10700-34/11

14. aprila 2011. godine

Sarajevo

Premijer
Fikret Musić, s. r.

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 12. sjednici održanoj 14. aprila 2011. godine, donijela je sljedeći

ZAKLJUČAK

1. Daje se saglasnost na Procedure zaduživanja Kantona Sarajevo na osnovu unutrašnjeg i vanjskog duga i izdavanja garancija, broj 08-05-14-9391/11 od 01.04.2011. godine.

2. Procedure iz tačke 1. ovog Zaključka objavit će se u "Službenim novinama Kantona Sarajevo".

Broj 02-05-10700-38/11

14. aprila 2011. godine

Sarajevo

Premijer
Fikret Musić, s. r.

Na osnovu Zakona o budžetima u Federaciji BiH ("Službene novine Federacije BiH", br. 19/06, 76/08, 5/09, 32/09, 9/10, 36/10 i 45/10) i Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10), ministar finansija Kantona Sarajevo, uz saglasnost Vlade Kantona Sarajevo, donosi

PROCEDURE**ZADUŽIVANJA KANTONA SARAJEVO NA OSNOVU UNUTRAŠNJEG I VANJSKOG DUGA I IZDAVANJA GARANCIJA****I. OPĆI DIO**

1. Ovim Procedurama utvrđuje se način zaduživanja Kantona Sarajevo (u daljnjem tekstu: Kanton) na osnovu unutrašnjeg i vanjskog duga i izdavanja garancija.
2. Kanton se može dugoročno zadužiti ukoliko u vrijeme dugoročnog zaduženja iznos servisiranja duga za ukupan unutrašnji i vanjski dug i garancije koje dospijevaju u svakoj narednoj godini, uključujući i servisiranje za predloženo novo zaduženje i sve zajmove za koje su izdate garancije Kantona, ne prelaze 10% prihoda ostvarenih u prethodnoj fiskalnoj godini.
3. Kanton se može kratkoročno zadužiti za finansiranje budžetskog deficita nastalog iz gotovinskog toka do 5% prihoda ostvarenih u prethodnoj fiskalnoj godini.
4. Dug Kantona je unutrašnji i vanjski dug i garancije Kantona. Dug Kantona može biti u formi zajma i emisije vrijednosnih papira.
5. Kantonalnim vanbudžetskim fondovima je dozvoljeno da se zadužuju jedino unutar države i to u domaćoj valuti, uz prethodno pisano odobrenje Ministarstva finansija Kantona Sarajevo (u daljnjem tekstu: Ministarstvo finansija).
6. Dug javnog preduzeća predstavlja apsolutnu i безусловnu obavezu javnog preduzeća u skladu sa uslovima definisanim kreditnim sporazumom. Dug javnog preduzeća ne predstavlja ni direktnu ni indirektnu obavezu Kantona.
7. Kanton se može zadužiti u svrhe, pod uvjetima i obimu propisanim Zakonom o dugu, zaduživanju i garancijama u Federaciji Bosne i Hercegovine.

8. Zakonom o izvršenju Budžeta Kantona određuje se iznos novih zaduživanja i garancija za narednu fiskalnu godinu.
9. U upravljanju dugovima u Federaciji, Federacija i Kanton zajedno dogovaraju i određuju gornji nivo konsolidovanog duga Federacije, kao i gornji nivo novih zajmova u okviru pripreme budžeta za sljedeću fiskalnu godinu.

II. UNUTRAŠNJE I VANJSKO ZADUŽIVANJE

1. Na prijedlog resornog ministarstva, Vlada Kantona (u daljnjem tekstu: Vlada) usvaja Projekat kapitalne investicije u okviru utvrđenog Programa rada i Strategije razvoja za narednu budžetsku godinu (u daljnjem tekstu: Projekat) najkasnije do 01. jula tekuće godine. Projekat mora biti uskladen sa srednjoročnim planom razvoja Kantona i Dokumentom Okvirnog Budžeta. Donošenjem budžeta za odgovarajuću fiskalnu godinu, Skupština Kantona odobrava kapitalnu investiciju i maksimalni iznos zaduženja za njeno finansiranje.
2. Sastavni dio Projekta je struktura izvora finansiranja Projekta.

Ako su u strukturi finansiranja predviđena kreditna sredstva, Kanton pristupa proceduri zaduživanja.

- UNUTRAŠNJI DUG

3. Kanton može stvoriti obaveze na osnovu unutrašnjeg duga u sljedeće svrhe:
 - 3.1. za finansiranje budžetskog deficita proizašlog iz gotovinskog toka (samo kratkoročno pozajmljivanje);
 - 3.2. za finansiranje budžetskog deficita Kantona;
 - 3.3. za finansiranje kapitalnih investicija;
 - 3.4. za refinansiranje ukupnog ili dijela neizmirenog duga Kantona;
 - 3.5. za plaćanje garancija Kantona u potpunosti ili djelimično, u slučaju da zajmoprimac ne ispuni svoje finansijske obaveze;
 - 3.6. plaćanje obaveza na osnovu unutrašnjeg duga u skladu sa zakonom.
4. U skladu sa odredbama budžeta, Zakona o izvršenju budžeta i finansijskih planova vanbudžetskih fondova do propisanog iznosa Vlada Kantona donosi odluku o svakom zaduženju posebno. Odlukom se utvrđuje:
 - 4.1. maksimalan iznos glavnice duga;
 - 4.2. forma duga;
 - 4.3. dospjeće i uvjeti otplate;
 - 4.4. svrha zaduženja;
 - 4.5. poštivanje odredbi iz čl. 7. i 9. Zakona o dugu, zaduživanju i garancijama u FBiH i u okviru ograničenja duga koji je uspostavila Skupština Kantona Sarajevo;
 - 4.6. period amortizacije kapitalne investicije koja se finansira iz kreditnih sredstava;
 - 4.7. preuzimanje obaveze osiguranja sredstava za otplatu unutrašnjeg duga po prispijeću;
5. Vlada Kantona će u roku od 10 dana od dana donošenja odluke o zaduženju obavijestiti Federalno ministarstvo finansija/financija o zaduženju uključujući informacije o poštovanju stepena ograničenja iznosa duga.

- VANJSKI DUG

6. Kanton može stvoriti obaveze na osnovu vanjskog duga u sljedeće svrhe:
 - 6.1. finansiranje budžetskog deficita;
 - 6.2. refinansiranje i restrukturiranje neizmirenog unutrašnjeg i vanjskog duga Kantona;
 - 6.3. plaćanje garancija Kantona u potpunosti ili djelimično u slučaju da zajmoprimac ne ispuni svoje finansijske obaveze;
 - 6.4. plaćanje troškova servisiranja duga Kantona uključujući i povezane troškove kao što su: emisija vrijednosnih papira, održavanje računa, amortizacija, fiskalni agencijski troškovi;
 - 6.5. finansiranje kapitalnih investicija.
 - 6.6. izuzetno, Kanton može stvoriti obaveze po osnovu vanjskog duga radi restrukturiranja i konsolidovanja javnih preduzeća u većinskom vlasništvu Kantona Sarajevo.
7. Resomo ministarstvo, čiji projekat treba da se finansira iz kredita, treba da pribavi mišljenje Ministarstva finansija o mogućnosti zaduživanja.
8. Ministarstvo finansija i resomo ministarstvo čiji projekat se finansira iz kredita zajednički dostavljaju Vladi inicijativu za vođenje pregovora u vezi sa zaključivanjem novog kreditnog sporazuma, a ministar finansija odgovoran je za potpisivanje kreditnog sporazuma i drugih dokumenata koji iz njega proizilaze. Inicijativa sadrži:
 - 8.1. kratak opis projekta;
 - 8.2. razlog za zaduživanje na osnovu vanjskog duga;
 - 8.3. iznos predloženog vanjskog zaduženja;
 - 8.4. uvjete zaduženja;
 - 8.5. mišljenje Ministarstva finansija.

9. Vlada razmatra inicijativu iz tačke 8. ovih procedura i ako prihvati inicijativu, određuje delegaciju za vođenje pregovora sa kreditorima.
10. Ministarstvo finansija i resomo ministarstvo odgovorni su za vođenje pregovora u vezi sa novim zaduživanjem.
11. Nakon završenih pregovora sa kreditorom, Ministarstvo finansija dostavlja Vladi nacrt kreditnog sporazuma ili zapisnik sa pregovora i nacrt odluke o zaduživanju koja sadrži:
 - 11.1. svrhu za koju se predlaže zaključivanje kreditnog sporazuma;
 - 11.2. elemente o iznosu i uvjetima zaduživanja Kantona;
 - 11.3. okvirni iznos sredstava za realizaciju Projekta i način njihovog osiguranja u slučaju da se radi o sufinansiranju Projekta;
 - 11.4. iznos glavnice duga, kamatnu stopu, troškove zaduživanja, formu duga, dospjeće i rok otplate;
 - 11.5. procjenu da li priprema i implementacija kreditnog sporazuma zahtijeva donošenje novih zakona ili izmjenu postojećih.
12. Nakon što Vlada prihvati nacrt kreditnog sporazuma i prijedlog odluke o zaduživanju, dostavlja ih Skupštini Kantona Sarajevo koja donosi odluku o vanjskom zaduživanju.
13. U slučaju direktnog zaduživanja Kantona, nakon što Vlada prihvati nacrt kreditnog sporazuma i prijedlog odluke o zaduživanju, dostavlja ih resomom federalnom ministarstvu za dobijanje prethodne saglasnosti Parlamenta FBiH i Parlamentarne Skupštine BiH u skladu sa Pravilnikom o potrebnoj dokumentaciji za izdavanje prethodnog odobrenja kantonu, opštini ili gradu za zaduženje i izdavanje garancije po osnovu vanjskog duga ("Službene novine Federacije BiH", broj 14/08).
 - 13.1. Nakon dobijanja prethodne saglasnosti Parlamenta FBiH i Parlamentarne Skupštine BiH, nacrt kreditnog sporazuma i prijedlog odluke o prihvatanju kredita Vlada dostavlja Skupštini Kantona Sarajevo koja donosi odluku o vanjskom zaduživanju.
14. Nakon potpisivanja ugovora o kreditu ili supsidijarnog sporazuma o zaduživanju, Ministarstvo finansija - Sektoru za budžet i fiskalnu politiku izvršit će unos iznosa zaduženja i obaveze za servisiranje kredita, radi unošenja podataka u Budžet Kantona za narednu godinu.

III. GARANCIJE

1. Garancija je preuzeta pisana ugovorena finansijska obaveza garanta u slučaju da strana koja ima primarnu obavezu za vraćanje takve finansijske obaveze, nije izvršila dospelu uplatu.
 - 1.2. Korisnik garancije (primalac) garancije je kreditor ili zajmodavac kojem se, u slučaju neispunjenja dospelje obaveze od strane zajmoprimca, izdavalac garancije obavezuje da će ispuniti ugovorenu obavezu, ako su ispunjeni uvjeti iz garancije.
2. Garancija se može izdati samo za finansiranje kapitalnih investicija.
3. Kanton može izdati garanciju za finansiranje kapitalne investicije samo pod uslovom da je pravno lice koje je zajmoprimac sredstava pravno lice čiji je većinski vlasnik Kanton.
4. Zajmoprimac ili kreditor koji traži garanciju za zajam podnosi zahtjev resomom ministarstvu, koje ga uz svoj stav dostavlja Ministarstvu finansija, koje procjenjuje finansijsko stanje i solventnost zajmoprimca.
 - 4.1. Uz zahtjev se prilaže dokumentacija i informacije, a u skladu sa Pravilnikom o pratećoj dokumentaciji i informacijama neophodnim u proceduri donošenja odluke o izdavanju garancije u FBiH i procentu premije i provizije za izdavanje garancije ("Službene novine Federacije BiH", broj 14/08).

- 4.2. Nakon pregleda dokumentacije Ministarstvo finansija vrši finansijsku i ekonomsku analizu podnosioca zahtjeva, kao i procjenu rizika za Kanton, ako se garancija odobri.
5. Ako su zadovoljeni prethodni uslovi Ministarstvo finansija, sa prijedlogom odluke o izdavanju garancije, Vladi dostavlja:
- 5.1. Kreditni sporazum (ugovor o kreditu);
- 5.2. Garanciju komercijalne banke, ako se zajmoprimac ne finansira iz Budžeta;
6. Vlada Kantona donosi odluku o izdavanju garancije i dostavlja je Skupštini Kantona na odobravanje.
7. Skupština Kantona odobrava izdavanje garancije Kantona i imenuje potpisnika sporazuma o garanciji.
8. Radi eventualnog izvršavanja plaćanja po izdatim garancijama uspostavlja se garancijski fond, čija se ukupna vrijednost i struktura utvrđuje Zakonom o izvršavanju budžeta.
- 8.1. Garancijski fond ima podračun u okviru Jedinog računa Trezora.
9. Ministarstvo finansija ovlašteno je za izdatu garanciju obračunati i naplatiti premiju i proviziju.
- 9.1. Premija se odnosi na rizik po izdatoj garanciji i obračunava se u iznosu od 0,5% glavnice kredita, a naplaćuje se jednokratno, u momentu izdavanja garancije.
- 9.2. Provizija se obračunava kao preduslov za izdavanje garancije na osnovu iznosa glavnice i kamate kredita, kao i analize rizika za otplatu kredita za koji se izdaje garancija. Provizija se obračunava u iznosu od 0,5% vrijednosti garancije i odnosi se na naknadu troškova nastalih u toku izdavanja garancije, a naplativa je u vrijeme izdavanja garancije.
10. Kod utvrđivanja iznosa ograničenja duga Kantona garancije se obračunavaju u iznosu 30% nominalne vrijednosti garancije.
11. Kod kapitalnih investicija garantni dug dostiže i plativ je na datum koji ne prelazi vrijeme amortizacije tih investicija.
12. Premije i provizije uplaćuju se na Jedinostveni račun Trezora Kantona, u korist garancijskog fonda.

IV. STUPANJE NA SNAGU

1. Danom stupanja na snagu ovih procedura, prestaju da važe Procedure zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", br. 3/08 i 16/09).
2. Ove procedure stupaju na snagu narednog dana od dana objave u "Službenim novinama Kantona Sarajevo".

Broj 08-05-14-9391/11

1. aprila 2011. godine
Sarajevo

Ministar
Muhamed Kozadra, s. r.